



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Militia Sacra || Dvcvm Et Principvm || Brabantiaë,||**

**Molanus, Johannes**

**Antverpiae, [1592]**

De filijs Godefridi de Louanio magni Ducis. Cap. LVI.

**urn:nbn:de:hbz:466:1-38114**

solus erat in Ecclesia S. Michaelis, instituta esset. Tū verò clerici & charitate & euidenti necessitate cogente, Patri Norberto & fratribus eius, per manum Episcopi, hāc ecclesiam cum quibusdam reatibus dederunt, confidentes quòd Deus meritis illius & fratrum mortiferæ pestis auferret sæuitiam. Et clerici in eodem oppido aliam sibi ecclesiam ædificauerunt. Audiētes ergo verbum fratrum, & videntes opera, quidam compuncti, viri & mulieres, corpus Dominicum, quod vel in cistis vel foraminibus per decem aut quindecim aut eo amplius annos abdiderant, reportabant.

Ecbertus Abbas S. Florini in Sconaugia scripsit sermones x i i i. contra Catharos hæreticos, qui supererant ex fæcibus Tauchelini de Flandriæ partibus, vt scribit Trithemius in Chronico Hirsaugiæ. ad annum  
1163.

*De filijs Godefridi de Louanio magni Ducis.*

## C A P. L V I.

**G**ODEFRIDVS de Louanio moriens 11. Lotharingie & Brabantie Dux Godefridus Iunior.  
duos reliquit filios, sed qui mox cum moriendo secuti sunt. Legitur enim in antiquissimo codice Parcensis ecclesiæ: Anno ∞ .c. XL. obiit Godefridus Dux magnus. Anno ∞ .c. XLI. obiit Henricus Comes, filius eius. Anno ∞ .c. XLII. obiit Godefridus Dux Iunior, frater Comitis H.

Obijt autem Henricus Comes conuersus monasterij Affligemensis. Cui etiam bona quædam



quædam contulit, vt declarat subsequens charta: IN nomine sanctæ & indiuiduæ Trinitatis. Notum sit omnibus, tam præsentibus quàm futuris, quòd ego Henricus filius Ducis Godefridi Ducis Lotharingiæ & Comitum Louanij ob declinandas miserandas & ærumnosas huius seculi procellas, ad monasterium Affligemense quasi portum salutis confugi; vbi Deo & sanctis Apostolis eius Petro & Paulo, sub præsentia Domini Petri Abbatis, & totius congregationis, adstantibus hominibus meis, meipsum in monachum offerens, allodium quod apud Sichne & Rode, iuxta Werde, ex patre meo me liberè contingebat, & cõmune cum fratre meo Duce Godefrido, patris mei successore, possidebã in aquis & pascuis, in campis & siluis, & in omnibus ad ius nostrum pertinentibus, pro anima patris mei, & matris meæ, & Clarisæ sororis nostræ, & pro meipso, & pro prædicto fratre meo Duce Godefrido, & sororibus meis Aleide Regina Angliæ, & Ida Comitissa, & pro omnibus parentibus & amicis, in elemosyna tradidi.

*De sacra militia GODEFRIDI III. contra Sarracenos.*

C A P. L V I I .

**A** N N O C I D . C . L X X X I I I . vt habent antiqui codices pergameni, Dux Godefridus perrexit Ierusalem: vbi cruce signatus, multa

III. Lotharingie & Brabantie Dux.